

ईवनिंग डोगरी न्यूज़ बुलेटिन,

समा. 18.15 Hrs



Headlines

1. मुखमंत्री उमर अब्दुल्ला होंरें जम्मू-कश्मीर ते दक्खन भारत दे राज्यें बश्कार मजबूत सैलसफा ते सांस्कृतिक सरबंधें दी जरूरतें पर जोर पाया ऐ।
2. केन्द्री राज्यमंत्री डाक्टर जीतेन्द्र सिंह होंरें हाड़ें दी मारें हेठ आए दे बजालता इलाके दा दौरा लाया ते आक्खेआ जे प्रधानमंत्री होर हाड़ें मगरा बने दे हालात दी आपू निगरानी करै करदे न ते राहत समग्री दी कोई थोड़ नेई ऐ।
3. उपभोक्ता मामलें सरबंधी मैहकमे दिएं केन्द्री राज्यमंत्री निमुबेन बमभानिया होंरें नई बस्ती इलाके दा दौरा लाइयै हाड़ें करी प्रभावत परोआरें गी बेल्ले सिर राहत सहायता दा जकीन दोआया ऐ।
4. श्री माता वैष्णो देवी जी दी यात्रा, कल्लै थमां फही शुरु होआ'रदी ऐ ते एहदे मद्देनज़र ज्हारां बद्धे श्रद्धालुएं ते मुकामी कारोबारिएं बड़ी खुशी जताई ऐ।



मुखमंत्री उमर अब्दुल्ला होंरें जम्मू-कश्मीर ते भारत दे दक्खनी राज्यें बश्कार सरबंधें गी निग्गर बनाने दी जरूरतें पर जोर पाया ऐ। मुखमंत्री होंरें आक्खेआ जे तमिलनाडु थमां बड़े घट्ट सैलानी, जम्मू-कश्मीर औंदे न। तमिलनाडु दे अपने दौरे दरान मीडिया कर्मिएं कन्नै गल्ल करदे होई उमर होंरें संपर्क सरिस्ते च सुधार ते सैलसफा खेतर गी बढावा देने दे अपने सरकार दे जतनें बारै जानकारी सांझी कीती। उनें मेद बुज्झी जे औने आहले म्हीनें ते ब'रें च जम्मू-कश्मीर च होर मती फिल्में दी शूटिंग होग ते मती गिनतरी च दक्खन भारत थमां सैलानी इत्थे औडन जेहदे नै सांस्कृतिक ते आर्थिक सरबंधें दा आदान-प्रदान होग। तोआई इस सरबंधें च श्रीनगर च मीडियाकर्मिएं कन्नै गल्ल करदे होई साबका मुखमंत्री डाक्टर फारूक अब्दुल्ला होंरें आक्खेआ ऐ जे उमर अब्दुल्ला हुंदी अगुवाई आहली सरकार, जम्मू-कश्मीर च सैलसफा दे खेतर गी बढावा देने लेई बड़ी संजीदगी कन्नै जतन करै करदी ऐ। उनें आक्खेआ



केन्द्री मंत्री डाक्टर जीतेन्द्र सिंह होरें जम्मू दे बजालता च हाड़ें दी मारें हेठ आए दे इलाकें दा दौरा लाइयै उत्थे भारी बरखें करी होए दे नुक्सान दा जायजा लैता। इस मौके पर डाक्टर सिंह होरें आक्खेआ जे प्रधानमंत्री नरेन्द्र मोदी होर जम्मू-कश्मीर ते एहदे कन्नै लगदे राज्यें च हाड़ें मगरा बने दे हालात दी आपू निगरानी करै करदे न ते उनें इस सरबंधै च केन्द्र ते राज्य सरकारें बश्कार नेइमा तालमेल जकीनी बनाने दे निर्देश बी दिते दे न। मंत्री होरें जकीन दोआया जे संसाधनें जां सहायता दी कोई कमी पेश नेई औग ते प्रभावत परोआरें लेई बेल्ले सिर राहत ते आबादकारी जकीनी बनाने लेई प्रशासन गी लोकें दे नुमाइंदें कन्नै नेइमा तालमेल बनाइयै कम्म करने दे निर्देश बी दिते गेदे न। इस मौके पर बोलदे होई केन्द्री मंत्री डाक्टर जीतेन्द्र सिंह होरें आक्खेआ

<><><><><><>

उपभोक्ता मामलें ते सार्वजनिक बंडुड सरबंधी मैहकमे दिएं केन्द्री राज्यमंत्री निमु बेन जयंतीभाई बमभानिया होरें मढ़ सिड़कै पर नई बस्ती दे हाड़ें करी प्रभावत इलाकें दा दौरा लाया। इस मौके पर उनें हाड़ें दी मारें हेठ आए दे परोआरें कन्नै गल्लबात कीती ते हाड़ें करी होए दे नुक्सान ते जारी राहत सरबंधी हीलें दा जायजा लैता। मंत्री होरें केन्द्र सरकार दी तरफा हर मुमकन मदाद दा भरोसा दोआया ते प्रभावत होए दे सबनें लोकें गी बेल्ले सिर सहायता उपलब्ध करोआने लेई आक्खेआ। उनें मुकामी ऐहलकारें गी निर्देश दिते जे ओह नुक्सान दा आंकलन करने च तेजी आहनन ते इस गल्ला गी जकीनी बनान जे प्रभावत परोआरें तोहड़ी तेजिआ कन्नै राहत समग्री पुजाई जा। इस मौके पर बोलदे होई उनें आक्खेआ

<><><><><><>

Programme-Announcement

सेवा सप्ताह 2025 दे तैहत आयोजित बक्ख-बक्ख कार्यक्रमें ते गतिविधियें दे इक हिस्से दे तौरा पर आकाशवाणी दा क्षेत्रीय समाचार एकांश जम्मू, औंदी 15 सितम्बर गी दिनें 12 बजे 25एं मिनटें दी इक वशेष परिचर्चा प्रसारत करने जा'रदा ऐ-जेहदा विषय सार ऐ- "मिट्टी थमां स्मृद्धि तगर दा सफर, राई-बाई ते करसानें दा सशक्तिकरण"। इस कार्यक्रम च स्हाड़े परोहने होगन- स्कॉस्ट जम्मू दे सॉयल साइंस डिविजन दे हेड प्रो. विकास शर्मा होर- जेहड़े इस विषय दे बक्ख-बक्ख पैहलुएं पर लौ पागंन। उन्दे कन्नै गल्लबात करगंन अभिलाषा शर्मा ते में विजय बजाज। 25एं मिनटे दा एह कार्यक्रम 15 सितंबर गी दिने 12 बजे प्रसारत कीता जाहग, जिसी तुस स्हाड़ी FM फ्रिक्वेंसी 100 इशारिया 3 मैगाहर्टस ते कन्नै मीडियम वेव 303 मीटर यानि 990 Khz पर बी सुनी सकदे ओ।



श्री माता वैष्णो देवी जी दी यात्रा, कल्लै थमां फही शुरु होआ रदी ऐ ते एहदे मद्देनजर ज्हारां बद्धे श्रद्धालु ते मुकामी कारोबारी बड़ी राहत ते खुशी मैहसूस करै करदे न। देसै दे बक्ख-बक्ख हिस्सें थमां खरी मती गिनतरी च श्रद्धालु कटरा पुज्जा करदे न ते एहदे चलदे पूरी धर्म नगरी कटरा च ऐल्लै भक्ति ते जशन दा म्हौल नजरी आवा करदे न। मुकामी कारोबारिएं ते होटल मालकें, श्री माता वैष्णो देवी जी दी यात्रा परतियै शुरु करने दे फैसले दा सुआगत कीता ऐ ते कन्नै एह मेद बी बुज्झी ऐ जे एहदे कन्नै कारोबार च फही तेजी आग। अधिकारिएं इस गल्लै दी तसदीक कीती ऐ जे सुरक्षा, सेहत ते साफ-सफाई दे सब्बै बंदोबस्त जकीनी बनाए गेदे न। प्रशासन नै श्रद्धालुएं गी गुजारिश कीती ऐ जे ओह दिशा-निर्देशों दी पालमा करन ते यात्रा गी सुरक्षित ते बवस्थित बनाने च सैहयोग देन। आकाशवाणी समाचार कन्नै इस बारै गल्ल करदे होई इक श्रद्धालुएं नै अपनी खुशी ते उत्साह किश इस चाल्ली बयां कीता

(बाईट)



Blind Cricketers

जम्मू-कश्मीर लेई इक गौरवपूर्ण घड़ी च कठुआ जिले दी लोहाई मल्हार तहसील दे मछेड्डी इलाके दे रौहने आहले बचितर सिंह हुंदी धीह अनेखा देवी गी नेत्रहीन आस्तै होने आहले महिला विश्व कप क्रिकेट च भारत दी नुमायंदगी करने लेई चुनेया गया ऐ। लोहाई मल्हार दी शांत प्हाड़िये थमां राष्ट्री मंच तगर दी उंदी प्रेरणादायक यात्रा गी दृढ़ संकल्प-कौशल ते अनत्रुट हौसले दी इक शानदार मिसाल दे रुप च सराहेया जा रदा ऐ। केन्द्री मंत्री डाक्टर जितेन्द्र सिंह होरें इक बधाई संदेश च आक्खेया जे एह खिते आस्तै इक ऐतिहासिक ते गौरव करने आहला मौका ऐ। उनें आक्खेया



आकाशवाणी जम्मू दी क्षेत्रीय समाचार इकाई नै अज्ज डोगरी भाषा पर केन्द्रित इक रोजा ओरिएन्टेशन कार्यशाला दा आयोजन कीता। इस कार्यशाला दी अध्यक्षता मन्नी-परमन्नी दियां डोगरी विद्वान ते जम्मू युनिवर्सिटी दे डोगरी विभाग दियां साबका प्रमुख प्रो. वीना गुप्ता होरें कीती। उनें डोगरी भाषा दे स्हेई इस्तेमाल ते उच्चारण दे कन्नै-कन्नै एहदे महत्व पर जोर दिता। क्षेत्रीय समाचार इकाई-जम्मू दे प्रमुख एन. गुलशन रैना होरें प्रो. वीना गुप्ता हुंदा गर्मजोशी कन्नै सोआगत कीता। इस कार्यशाला च डोगरी समाचार दे सब्भनें समाचार वाचके-

संपादकें ते भाषा सिखने आहले लोकें हिस्सा लैता- जेदा मकसद अपनी भाषाई क्षमता गी बधाना ते प्रसारण च डोगरी दी सग्गो-सार दा जश्न मनाना ऐ। कार्यक्रम दौरान बोलदे होई वीना गुप्ता होरें आक्खेया

